

PROTESTATION

[KARL LUDWIG, Elector Palphone


SERENISSIME ET TRES-HAV
PRINCE ET SEIGNIEVR

Charles Louys

Comte Palatin du Rhin, Archidapifer & Prince Electeur du S. Empire. Duc de Baviere, &c.



Traduit de l'allemand de mot à mot & Imprime



CEST ESCRIT

Continent une

PROTESTATION

Contre

Toutes actions & procedures & illegitimes & injustes faites & practiquées au prejudice & injure de luy, & de ses Freres & Agnats.

En special, contre

Les Dispositions clandestines & nulles de l'Empereur touchant la translation de son Electorat & de ses pays.

Comme auffy, contre

L' Election illegitime du Roy des Romains, de laquelle luy & l'Electeur de Treves ent esté forclos.

Finalement, contre

La violente & inique usurpation & saisse du Duc de Baviere, s'attribuant & usurpant les tiltres, l'office, la voix & session de sa dignité Electorale.




La Protestation, principalement quand elle est claire expresse, conserve le droit du Protestant en son entier, comme elle est necessaire, ainsy aussy ne fait elle tort ni injure à personne. 1. si debitor. 4. s. 1. D. Quibus modis pignus. & ibi Bartol. 1. & si quis 14. s. Sed interdum, 7. D. de Religioso & sumptibus.

Sampson, apres que les Philistins luy ravirent sa semme, & la baillerent a un autre, proteste contre eux en ces mots.

Jug. ch. 15. verf.3.

fe seray à ceste sois Innocent des Philistins, quand je leur seray du mal.



NOUS

Charles Louys,

Par la Grace de Dieu,

Comte Palatin du Rhin, Archi-

dapifer, & Prince Electeur du S. Empire, Duc de Baviere, &c.

A touts, & un chacun, salut.



L est assez notoire & maniseste, non seulement en l'Empire Romain, nostre chere Patrie, mais aussy par toute la Chrestienté, tant par l'experience, & les tristes effects, qui se voy-

ent encore journellement, que par les actes & escrits públicqs, ce qui s'est fait & passé durant ces longs & pernicieux troubles & guerres civiles, en l'occupation, direption, division & dimembration, abalienation, vendition, concession & translation, tant de nos pays, que de l'office & digniré Electorale inseparablement annexée; Desquelles procedures

procedures & pressures injustes & violentes, nous nous ressentons à bon droict, ayants juste subject, & estants mesmes induits & poussez par icelles, à nous en plaindre, & à contredire & protester à l'encontre, selon que la necessité & le droict re-

quierrent. I I I I III

Mais ce qui nous afflige le plus sensiblement, & tourne au grand prejudice tant de nous, que de nos Freres & Agnats est, se-Ion qu' avons entendu à nostre grand regret : Premierement ; Ce qui à esté entre autre conclu, pendant nostre minorennité & bas aage, comme auffy fans noftre fçeu, & sans qu'ayons esté appellez ni defendus, en la pretendue Pacification nouvellement composée à Prague, asçavoir que les Dispositions, qui sont dites avoir esté dressées & basties par Sa Majesté Imperiale, touchant la translation de nostre Electorat & de nos pays, faite en la personne du Duc de Baviere, & de la lignée Gulielmienne, devoyent demeurer fermes, voire aussy que les dites pretendues Dispositions (desquelles toutes fois mention aucune n'a esté faite jusqu'à present, & qui mesmes ne sont encores divulguées selon leur forme & teneur, ni cognues parmy le commun, ayants esté esté pactionnées en secret) soyent neantmoins alleguées contre nous, avec pretexte, comme si elles avoyent esté ratisiées & approuvées par la-dite Pacification, & consequemment aussy de touts les Estats de l'Empire; ainsy qu'il appert de la derniere responce Imperiale novellement donnée au Comte d'Arondelle, Ambassadeur

d'Angleterre à Ratisbone.

Par où, le droict & la possession qui nous appartient, & nous est acquise, & a nos freres & Agnats, Innocents & exempts de toute coulpe, en vertu de la premiere & simultanée Investiture, & par le pact & providence de nos Ancestres & premiers Acquerrans, nous est ravi, osté & retranché, & mesmement transferé & abaliené de nostre lignée, en une autre bien esloignée, contre touts droicts, loix, fanctions pragmatiques, constitutions du S. Empire, & coustumes observeés en fiefs de telle qualité, voire auffy contre la Bulle d'Or & autres pactions & Privileges Imperiaux, erigez & confirmez en nostre tres-ancienne Maison & famille Electorale.

En apres nous afflige aussy grandement, que nous, qui toutesfois soustenons seul à justes tiltres, le droict, la voix, l'office & la

B 2

personne

personne d' Electeur Palatin, n'ayons este convocquez ni admis, comme nos autres Collegues & Co-electeurs, suivant l'ordonnance & prescription de la Belle d'Or, à la dernière Assemblée Electorale assignée à Ratisbone, ou il s'est agi de l'election du Roy des Romains, & où Ferdinand d'Austriche Roy d' Hongrie, a esté reclamé & inauguré pour tel; Ains ens avons este excluz & negligez de propos deliberé, iniquement & par force; le Duc de Baviere usurpant & exerceant cependant de faict, combien que nullement & injustement, nos stretiltre, place, session, office & suffrage.

Or les procedures & actions susalleguées, tant en general qu'en particulier, estants en elles mesmes & de droich, sans valeur, nulles & illegitimes; Mesmement, afin de passer les autres nullitez soubs silence, en ce que d'un costé, les dites Dispositions & Pacification ont esté pactionnées secretement, & composées durant nostre minorennité & nostre aage pupillaire, & celuy de nos Freres & Agnats, & mesmes durant nostre exil, & en nostre absence, sans que nous ayons esté (comme avons desja touché cy dessus) appellez, ouys, ni desendus, beaucoup moins accusez, jugez, ou condamnez: & sont par ainsy

ainsy directement contraires, au Droict commun, Divin & humain, & aux Constitutions fondamentales de l' Empire, non moins qu' aux loix receues és siefs, voire mesmes aussy aux declarations propres, que Sa Majesté Imperiale feist solemnellement & par escrit, aux Electeurs assemblez à Ratisbone le xxIII. de Febur. MDCXXIII. & puis aussy par lettres au sereniss Roy Jacques, nostre treshonnoré Ayeul, de glorieuse, memoirele v. de Mars de la mesme année.

D'autre costé, en ce aussy que ceste derniere pretendue Election, s'est faite, instituée & accomplie, tandis que nous (à qui seul convient & appartient de dtoict Divin & humain, & de nature, la voix, l'office & fonction Electorale Palatine, tant, es Dietes & assemblées Electorales, qu' en toutes autres actions solemnelles de l'Empire) & l'Electeur de Treves, en estions iniquement forclos & repoussez.

Qui'y à il doncques consequemment de plus necessaire, sinon que, pour la conservation de nostre Droict indisputable, & de nostre Illustre Estat & renom, nous façions exceptions & Protestations solemnelles, selon que les loix enseignent, contre toutes & chacunes des actions telles, qui ont esté faites,

decretées

decretées & conclues contre nous, par violence & injustice, en quelque façon que ce soit, au prejudice & injure de nous, & de nos Freres & Agnats, qu'on n' a jamais daigné appeller ni escouter, ains plustost cerché par touts moyens de persecuter,

chaffer, & oppreffer?

C'est pourquoy, nous contredisons & protestons publiquement, avec nostre sceu & meure deliberation, en vertude cest Escrit, & en la meilleure forme & maniere, qui se peut & doibt faire de Droict & de coustume, contre tout ce generalement & particulierement, qui à esté negotié, essectué, accordé, promis, eslargi, escrit & prononcé, statué, ordonné, disposé, promulgue, decreté, fait, & executé, à nostre in-jure & prejudice, & à la derogation de no-Are Droict, & de celuy de nos Freres, & Agnats, soit privément où publicquement, ouvertement, où secretement, en la maniere sus fusdite, ou en quelque autre, quelle qu'elle puisse estre: ou bien qu'on pourroit mesmes encore cy en apres presumer de faire, agir, ordonner, decreter, ou executer contre nous, en nostre absence, & sans nostre sceu, defence & consentement.

Nommément nous protestons contre les susalleguées

fusalleguées pretendués, vaines & iniques de Dispositions & Pactions pacifiques de Prague, de mesme contre la trop hastive, precipitée, & illegitime Election du Roy des Romains: & sur tout, contre la violente, injuste & du tout nulle usurpation & saisse commisée du passé, & encore à present par le Duc de Baviere, nous ravissant & retenant autant qu'en luy est, nostre Electorat, nos pays, tiltres, Regaux, session, voix & office.

En suite dequoy, nous nous reservons & a nos Freres & Agnats, & a touts autres interessez, toute sorte de Droicts, actions, defensions, moyens & remedes propres & legitimes, que les loix Divines & humaines prescrivent & permettent en telle cause & en tel cas, aux oppressez, qui souffrent tort & injure. Avec obtestation & declaration expresse, qu'apres avoir cerché, & fait cercher & essayer par autruy, toutes occasions & moyens possibles, pour pouvoir en fin jouyr par voyepacifique, & conditions justes & honestes, de ce qui nous appartient & est legitimement daude Droiet Divin & humain, nous estant jusqu' a present hostilement detenu & usurpé parautres : nousserons excusez devant Dieu & les hommes,

C 2

& mesmes pour l'advenir aupres la Posterité, s' il arrive qu' en pourchassant nostre Droict, & procurant nostre restitution, quelques maux & incommoditez en redondent & parviennent sur qui que ce puisse estre.

Nous declarons en outre, & appellons Dieu, qui seul sonde & cognoit les coeurs, à tesmoing, que nous ne cerchons aucunement par ceste Protestation legitime & extorquée, d'amoindrir ou diminuer tant peu que ce soit, l'autorité & l'eminence de Sa Majesté Imperale, qui est & sera tousjours aupres de nous saincte & sacrée; ni le droict, I' honneur ou reputation d' aucun autre: nostre but & intention en icelle, vifant simplement & purement, à ce que nostre Innocence, & la justice indubitable de nostre cause, comme auffy l'estat, la dignité & possession, que la nature & naissance nous ont appropriées, soyent conservées par ce moyen legitime, sauves & en leur entier,& ne recoy vent aucun detriment, dommage & prejudice, par nostre silence, où omission de telle Protestation requise & necessaire.

Et afin que ceste nostre Protestation, faite en presence de Notaire & tesmoings, parvienne à la notice d'un chacun, i que nul de ceux qui pourroyent y avoir de

l'interest,

l'interest, n' en puisse pretendre quesque ignorance, nous l'avons fait coucher par escrit, & mettre publicquement en lu miere. Et quant aux Exemplaires authentiques d'icelle, subscripte de nostre propre main, & cachetez de nostre seau, nous les avons aussy fait insinuer & delivrer, tant à Sa Majesté Imperiale, qu' à Messieurs les Flecteurs de l'Empire. Faite à Hamptoncourt le xxvIII. de Janvier cio ioc xxxvII.



